



Synfocity = 913

mail us at : mzsynfo@gmail.com; mizoramsynod@gmail.com - Phone - 2314648

November 2, 2023

□ Board leh Committee peng hrang hrang an ðhu

◆ October 30, 2023 (Thawhtanni) chawhma dar 10:00 khan Synod Trust Committee chu a vawi 39-na atan an ðhu khawm a. Meeting hi Rev. Dr. C. Chawngmingliana, Moderator-in a kaihruai a, Senior Executive Secretary, Rev. C. Zoramawian report a pe.

Report-ah hian STA, Silchar Old Building chu sak ðat tura hmalak mek a nih thu te, Mizoram Christian College sak phalna AMC aþanga hmuh a nih tawh thu te, Mission Venga Staff quarters-te chei thar a nih thu te ngaihthlak a ni.

◆ October 31, 2023 (Thawhlejni) chawhma dar 10:00 khan Synod Social Front Committee chu a vawi 197 nan an thu khawm a. Synod Moderator, Rev. Dr. C. Chawngminglian he Meeting hi a kaihruai a, Rev. V.L. Luaia Hranleh, Executive Secretary-in report a pe.

Report-ah hian May 15-June 14, 2023 chhunga Cement Mistiri Training buatsaih a nih thu te, 2022 Synod Inkhawmpuiin Corruption do chungchang a rel bawhzuia Corruption ðat lohzia Kaihruaina Booklet chu Kohhran tina thawn a nih tawh thu te, TV kal tlanga political education campaign neih mek a nih thu te, Mizorama ral tlante chhawmdawlina kawngah Evangelical Fellowship of India Commission on Relief (EFICOR) nen thawh ho a nih thu te ngaihthlak a ni.

◆ November 1, 2023 (Nilaini) chawhma dar 10:00 khan Synod Worship Committee chu a vawi 12-nan J.M. Lloyd Hall-ah an ðhu khawm a. Synod Moderator, Rev. Dr. C. Chawngminglian Meeting hi a kaihruai a, Executive Secretary i/c Worship, Rev. Dr. K. Lallawmzualan report a pe.

Report-ah hian Committee ðhut inkarah Worship hmalakna chi hrang hrang ngaihthlak a ni a. October 24-27 chhung khan Residential Choir Conductors' Training buatsaih a ni a, mi 31 an tel thei a. Kumin chhungin Pathian Biak Inkhawm chungchang Consultation hmun 4-ah neih a ni a. Upper Republic Kohhranah te, Kolasib Hmar Veng Kohhranah te, Biate Kohhranah te, Shillong Mizo Kohhranah te neih a ni. Kristian Hla Bu Phone App siam tura hmalak mek a ni. Zing ðawngtai inkhawm bu siam ðat tum a ni a, hma lak mek zel a ni. Kum 2024-a Nilai leh Beihruai thupui zir tur, 'Kristiante Mawhphurhna' tih chu Synod Press-ah pek luh fel tawh a ni. November, 2022-October 27, 2023 chhungin rawngbawlin (training, seminar, consultation, etc.) ðum 32 feh chhuah a ni.

□ Synod-in Manipur-a in leh lo chante tan thawmhnaw thawn

Mizoram Synod chuan Manipur buai avanga in leh lo chante tan thawmhnaw leh mutbu ðahnem tak chu November 1, 2023 (Nilaini) zan khan truck pathum hmangin a thawn.

Manipur a buai avanga in leh lo chante awmna tur in sak nan Synod hian cheng nuai 65 chu July thla khan a lo pe tawh a. Heng in te hi sak zawh chhoh mek a ni a, an luah ðan mek a. A luahtute hi an in leh lo halsak leh hak lai nen chauha tlanchhiate an ni a. Heng mite tan hian Synod Puipa meeting chuan Aizawl khawpui chhunga Pastor Bial 5 - Mission Veng, Mission Vengthlang, Venghnuai, Kulikawn leh Tlangnuam Bialte hnena thawmhnaw hak tur chi leh mutbu lam chi an theih ang ang thawh khawm turin a ngen a. Heng Bialte hian an rawn theh khawm bakah, pawl leh mimal ðahnem ngaiten an dah khawm baw a. Heng thuamhnaw leh mutbu an rawn theh khawmte hi November 1, 2023 (Nilaini) zan khan Manipur panin phurh chhuah a ni a, Rev. Z. John Malsawma Colney, Synod Partnership Secretary-in bungraw phur motor-te hi a vai liam a ni.

In sak thara awmte bungbel tur pawh Synod hian ngaihtuhsakin, chhungkaw 250 tan bungbel - chaw ei thleng, dekchi, plate, no, fian leh bungbel ðul zualte a la pe leh dawn a, heng bungbelte hi tunkar hian Manipur thlenpui hman tum a ni baw.

□ Synod Mission Board

◆ Jharkhand Mission Field

October 26, 2023 (Ningani) khan belhtu thar 7 an awm a, October 29, 2023 (Pathianni) khan belhtu thar panga an awm baw.

♦ **Masihi Sangati**

October 28-29, 2023 chung khan Kolasib Venglai Bial Masihi Sangati Meet, vawi 3-na Tumpui Kohhranah an hmang a, Speaker Rev. R. Lalhangyunga a ni a, meet neih chung hian belhtu thar 17 an awm.

♦ **Siliguri Mission Field**

October 28, 2023 (Inrinni) khan belhtu thar panga an awm.

♦ **Barak Area Mission Field**

October 29, 2023 (Pathianni) khan belhtu thar pahnih an awm.

□ **Khawvel Sunday School Ni**

November 5 (Pathianni) hi Khawvel Sunday School Ni a ni a. Kumin Khawvel Sunday School Ni-ah hian Mizoram Presbyterian Kohhran chuan puitlingah "Rev. V.L. Zaithanga chanchin" Rev. C. Rosiam ziah an zir ang a. Intermediate - Senior-in "Dietrich Bonhoeffer-a chanchin" Rev. J.H. Zaikima ziah an zir ang a, Beginner - Junior-in "Zirtir Thoma chanchin" Dr. Rosy Zoramthangi ziah an zir ang.

Sunday School hi kum 1780-ah England ram, Gloucester khuaa Robert Raikes-a din a ni a. Hemi hma pawh hian mi thahnemngai eng emaw zatin anmahni huam chungah mumal deuh takin an kalpui tawh a. Kalphung fel zawka a indin chhuahna leh a darh zau takna chu Robert Raikes-a hmalakna a ni. Thilsiamna hmuna thawk naupangte, ziah leh chhiar thiam lo, inkhawm ngai miah lote chu hruai khawmin Pi Meredith-i inah ama sum senga zirtirtu ruaiin a zirtir a. Vawi khat class lakah zirtirtute hi shilling khat a hlawhtir nia sawi a ni. Kum 1805 atangin John Wesley-a hma laknain hlawh neia zirtirtu rawih chu tihtawp a ni ta a ni.

Dodalna nasa tak hnuaia bul tan ni mah se, Sunday School hi mi chanhaiten zirna an dawn theihna hmasa ber a nih avang leh Sunday School kaite nunah danglamna nasa tak an hmuh avangin a darh zau zel a. A tira hmusit taka elsentute ngei chuan, "Robert Raikes-a hian Gloucester khuaa sihal rualte chu beram novah a chhuah vek a ni," an ti hial a. Pawi khawihna tlahniama jail tang an tlem tak em avangin Gloucester khua leh a chheh vela dan lek kawhtu leh thu buai remtu inzawm khawmte chuan kum 1805-ah Robert Raikes-a hnenah inthuralin lawmthu sawina lehkha an thawn hial a ni.

India ramah July 9, 1803 atangin missionary ropui William Carey-a leh a thiante (Serampore Trio) hma laknain Sunday School neih tan a ni a. Mizoramah pawh Zosap Rev. D.E. Jones-a (Zosaphlua) hma laknain February 20, 1898 atangin mei mit lovin kan nei zui ve ta a ni.

Kum 1785-ah Society for Promoting Sunday School in the British Dominions din a ni a, January 11, 1791-ah American Sunday School Society din a ni leh a, India ramah pawh 1876-ah Indian Sunday School Union din a ni. Khawvel huapa Sunday School inzawm khawmna 'World Sunday School Association' chuan kum 1889-ah London-ah convention hmasa ber neiin kum thum danah neih thin a ni.

Khawvel Sunday School Ni neih hi World Sunday School Association-in kum 1907-a Rome khawpua Convention an neih tumin Dr. George W. Bailey-a chuan a rawt a, chu thu chu 1910-a Washington-a Convention an neih tumin an sawi ho leh a, May 22, 1910-ah hman tan a ni ta a ni.

Kum 1944 February ni 16-a MSSU Committee-in a rel angin Mizoramah chuan kum 1944 atangin Khawvel Sunday School Ni hman tan a ni a, 1949 atangin November Pathianni hmasa berah thupui neia hmang tanin, kum 2001 atangin puitling leh naupang lam ten zirlai hran an zir tan a, kum 2019 atangin naupang lam chu hmun hnih - Beginner - Junior leh Intermediate - Senior-ah then a lo ni leh ta a ni.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Seling	In chhia	1	₹ 20,000/-
2.	H. Bualpui	Damlo	1	₹ 10,000/-
3.	West Serzawl	Damlo	1	₹ 10,000/-
4.	Zohmun	Damlo	1	₹ 10,000/-
5.	Palsang	Damlo	1	₹ 10,000/-
6.	Bunghmun North	Damlo	1	₹ 10,000/-
			Belh khawm	₹ 70,000/-

- ❑ **MSSU**
November 4-5, 2023 chung hian Pangbalkawn Kohhranah Sunday School zirtirtu training neihpui turin trainer-te, Upa K. Vanlalngbaka, Upa S. Kapzathanga leh Upa R. Vanlalhruaia te an kal ang.
- ❑ **Synod Prison Ministry**
November 5, 2023 (Pathianni) hian Synod Prison Ministry chuan Central Jail-ah Khawvel Sunday School Ni an hmanpui ang.
- ❑ **FM Zoawi - Aizawl & Lunglei : Hruaina Eng Radio Programme**
November 3, 2023 (Zirtawpni) @ 7:30 p.m. :
Solo : Emily Vanlaltluangi - Aw chhandamtu, **Zaipawl :** Luangmual Bial Zaipawl - Crown hlu,
Thusawi : Rev. Lalramliana Pachuau - MPF thuchah, **Solo :** Baby Malsawmtluangi - Lal ka thlang,
Zaipawl : Khatla Bial Zaipawl - Kan leng dun.
- ❑ **Su Samachar Prasaran Programme :**
November 5, 2023 (Pathianni) 5:30 pm. :
Group/Choir/Solo : Sheila Lepcha, **Group/Choir/Solo :** Khatla Masihi Sangati - Ishu Tera Wada,
Sermon : Rev. Darrema Hlawndo, **Group/Choir/Solo :** Hunthar Kohhran - Ibadat Karo, **Group/Choir/Solo :** Lalramnunmawii
- ❑ **Hruaina Eng TV Programme**
2.11.2023 (Ningani) 8:30 pm : Thupui zir bing - Mizo Kristiante nuna rimawi leh hla pawimawhna - 4
3.11.2023 (Zirtawpni) 5:00 pm : Kristian Naupang Pual
4.11.2023 (Inrinni) 5:30 pm : Puitling Sunday School Zirlai
5.11.2023 (Pathianni) 8:00 am : Weekly round up
5:30 pm : Su Samachar Prasaran
6.11.2023 (Thawhtanni) 8:30 pm : Hruaina Eng Luang chhuak
7.11.2023 (Thawhlelni) 8:30 pm : Nilai Zan Thupui zir hona
- ❑ **Moderator leh Executive Secretary-te Programme:**
Rev. Dr. C. Chawngmingliana : Moderator
Nov. 4, 2023 Muallungthu Kohhran
Nov. 5, 2023 Zemabawk North Kohhran (Zan)
Rev. C. Zoramawia : Senior Executive Secretary
Nov. 6, 2023 Finance Managing Committee
Rev. V.L. Luaia Hranleh : Executive Secretary (Finance Officer)
Nov. 6, 2023 Reasearch Evaluation Wing Committee leh Finance Managing Committee
Rev. Dr. K. Lallawmzuala : Executive Secretary
Nov. 6, 2023 Finance Managing Committee
November 9-11 chungin Moderator leh Executive Secretary-te Synod Executive Committee (SEC)-ah an thu ang.

MISSIONARY TRAINING COLLEGE (MTC) HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs 50/- in office hun chungin MTC Office atangin lak chhuah theih a ni e.

Dil thei chin : CI - XII pass chin
Dilna theh luh hun hnukung : 16 February, 2024 (Friday)
Entrance Test : 19 March, 2024 (Tuesday); 9:30 AM @ MTC
Interview : 21 March, 2024 (Thursday); 10:30 AM @ Synod Committee Room I

Sd/- Principal
Missionary Training College
Mission Vengthlang
Ph. No. : 0389-2328525/9612164982

HRIATTIRNA

Synod Revival Committee chuan October, November leh December-ah te Synod Revival Camping Centre, Sihphir Neihbawi-ah Camping a buatsaih dawn a. A duh tan luh theih ani ang. Registration Fee ` 100/- a ni ang a. Mahni mimal mamawh hrang hrang bakah Mut bu, Bible, pen leh note bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlelniah lutin Inrinniah chhuah leh thin tur a ni ang.

1. November 14-18, 2023
2. December 5-9, 2023

Sd/-

Rev. C. Zoramawia
Senior Executive Secretary
i/c Revival

ADVERTISEMENT

Synod Multipurpose Training Centre (SMTC)-ah 2024 atan a hnuai Vocational training trade hrang hrang tarlante hi a dil theih e.

<i>S/N</i>	<i>Trade</i>	<i>Course rei zawng</i>	<i>Seat awm zat</i>
1.	Puanthui (Tailoring)	Thla 12 (Jan-Dec)	Mipa (15) & Hmeichhia (45)
2.	Diploma in Computer Application (DCA)	Thla 6 (Jan-June)	24
3.	Beauty Culture	Thla 6 (Jan-June)	6
4.	Mobile repairing	Thla 6 (Jan-June)	6
5.	Electric wiring & Repairing	Thla 6 (Jan-June)	10

Hriat tur pawimawhte:

1. Dilna hi November 24, 2023 aia tlai lovah SMTC Office-ah thehluh tur a ni.
 2. Dilnaah hian Kohhran lehkha thil tel ngei tur a ni.
 3. Interview hun : November 29, 2023 (Nilaini) 10:00 a.m
 4. Interview-na hmun : SMTC, Mission Vengthlang
 5. Class tan hun : January 17, 2024 (Thawhtanni)
- Aizawl khaw pawna awm, mamawh zual bikte tan Hostel a awm ang.

Sd/-

Rev. V.L. Luaia Hranleh
Executive Secretary
i/c SMTC